



ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎ

ՈՐՈՇՈՒՄ

21 ապրիլի 2026 թվական

N 02-Լ

ԿՈՌՈՒՊՑԻԱՅԻ ԿԱՆԽԱՐԳԵԼՄԱՆ ՀԱՆՁՆԱԺՈՂՈՎԻ 2024 ԹՎԱԿԱՆԻ ՕԳՈՍՏՈՍԻ 12-Ի N 05-Լ ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» օրենքի 33-րդ և 34-րդ հոդվածներով՝ Կոռուպցիայի կանխարգելման հանձնաժողովը (այսուհետ նաև՝ Հանձնաժողով)

ո ղ ո շ ու մ է.

1. Կոռուպցիայի կանխարգելման հանձնաժողովի 2024 թվականի օգոստոսի 12-ի «Բարեվարքության վերաբերյալ ուսումնասիրության և գնահատման մեթոդաբանությունը սահմանելու մասին» N 05-Լ որոշման հավելվածում կատարել հետևյալ լրացումները և փոփոխությունները.

1) Ներածությունը լրացնել հետևյալ բովանդակությամբ նոր պարբերություններով.

«Բացի այդ, Ազգային ժողովի կողմից 2025 թվականի հոկտեմբերի 2-ին երկրորդ ընթերցմամբ և ամբողջությամբ ընդունվել են «Ոստիկանության բարեվարքության և կարգապահական կանոնագիրք» օրենքը և հարակից օրենքներում փոփոխություններ և լրացումներ կատարելու մասին օրենքները, որոնցով սահմանվել են Ոստիկանության իրավասու ստորաբաժանումում, այն է՝ Ներքին անվտանգության և հակակոռուպցիոն վարչությունում առաջին անգամ ոստիկանության ծառայության պաշտոնի նշանակվելուց

առաջ թեկնածուների՝ պարտադիր բարեվարքության ուսումնասիրություն անցնելու կարգավորումները:

Օրենսդրական փոփոխությունների իրականացումը շարունակվել է նաև 2026 թվականին: Մասնավորապես՝ 2026 թվականի մարտի 04-ին Ազգային ժողովի կողմից ընդունվել են «Ազգային ժողովի կանոնակարգ», «Հայաստանի Հանրապետության դատական օրենսգիրք» սահմանադրական օրենքներում և հարակից օրենքներում փոփոխություններ և լրացումներ կատարելու մասին օրենքների նախագծերը: Նախագծերով նախատեսվեց որոշակի պաշտոններում նշանակումներ կատարելուց հետո տվյալ անձանց բարեվարքության եզրակացությունների եզրափակիչ մասի հրապարակման պահանջ՝ անկախ դրա բացասական կամ դրական լինելու հանգամանքից: Այս փոփոխության իրականացման համատեքստում վերանայվեց նաև բարեվարքության ուսումնասիրության իրականացման գործընթացը՝ դրան թեկնածուների (անձանց) մասնակցության առավել կանոնակարգված ընթացակարգեր սահմանելու եղանակով:»:

2) Բաժին 1-ի «Հարցումների իրականացում» վերտառությամբ Գլուխ 1-ի 2-րդ կետը լրացնել հետևյալ բովանդակությամբ նոր ժը) և ժթ) ենթակետերով.

«ժը) Արդարադատության նախարարության քրեակատարողական ծառայություն (հարցումը կատարվում է միայն Թեկնածուի վերաբերյալ).

- անձի՝ քրեական ենթամշակույթ կրող անձի հետ ազգակցական կամ ընկերական կապի առկայության վերաբերյալ,

- անձի՝ քրեական ենթամշակույթ կրող խմբավորման կամ անձի հետ անհատական հանդիպման, հեռախոսային կամ այլ հեռահար հաղորդակցություն ունենալու վերաբերյալ,

- անձի՝ քրեական ենթամշակույթ կրող խմբավորման կամ անձի հետ անձնական, աշխատանքային կամ այլ կապ ունենալու վերաբերյալ:

ժթ) Խաղային գործունեության կարգավորման օպերատոր (հարցումը կատարվում է միայն Թեկնածուի վերաբերյալ).

- անձի՝ խաղային հարթակի օգտատեր հանդիսանալու, կատարված մուտքերի/ելքերի, շահումների և պարտությունների, ինչպես նաև խաղադրույքների վերաբերյալ:»:

3) Բաժին 1-ի «Հարցազրույցների իրականացում» վերտառությամբ Գլուխ 2-ի՝

ա. 1-ին կետը «Հանձնաժողովն իրականացնում է ոչ միայն գրավոր հարցումներ, այլև» բառերից հետո լրացնել «անհրաժեշտության դեպքում, կարող է իրականացնել նաև» բառերով.

բ. 2-րդ կետում «է անցկացնում» բառերը փոխարինել «կարող է անցկացնել» բառերով.

գ. 7-րդ կետը շարադրել հետևյալ բովանդակությամբ նոր խմբագրությամբ.

«7. Հարցազրույցի ընթացքում ներկայացված տեղեկությունները բարեվարքության եզրակացության մեջ կարող են ներկայացվել և գնահատման առարկա դառնալ բացառապես այլ աղբյուրներից ստացված տեղեկությունների հետ համադրման արդյունքում:»:

4) Բաժին 2-ի «Պարզաբանումների իրականացում» վերտառությամբ Գլուխ 4-ում՝

ա. 2-րդ կետը «իսկ անհրաժեշտության դեպքում նաև դրանք հիմնավորող փաստաթղթեր» բառերից հետո լրացնել «(այդ թվում՝ բանկային հաշիվների քաղվածքներ):» բառերով.

բ. լրացնել հետևյալ բովանդակությամբ նոր 4.1-ին և 4.2-րդ կետերով.

«4.1. Թեկնածուից ստացված պարզաբանումների վերլուծության և համադրման արդյունքում կազմվում է Թեկնածուի բարեվարքության վերաբերյալ եզրակացության նախագիծը: Բարեվարքության վերաբերյալ բացասական եզրակացության նախագիծն ուղարկվում է Թեկնածուին՝ բարեվարքության հարցաթերթիկում նշված էլեկտրոնային փոստի հասցեով: Նախագծում Հանձնաժողովի անդամների անհատական քվեարկության նախնական արդյունքներն ապանձնավորվում են: Թեկնածուն եռօրյա ժամկետում կարող է բարեվարքության վերաբերյալ բացասական եզրակացության նախագծի վերաբերյալ ներկայացնել առարկություններ և լրացուցիչ հիմնավորող փաստաթղթեր:

4.2. Հանձնաժողովը բարեվարքության վերաբերյալ բացասական եզրակացության նախագծի և Թեկնածուի կողմից ներկայացված առարկությունների համադրության արդյունքում կազմում է Թեկնածուի բարեվարքության վերաբերյալ եզրակացությունը: Այն

դեպքում, երբ Թեկնածուի կողմից սույն գլխի 5-րդ մասով սահմանված ժամկետում առարկություններ չեն ներկայացվում, Հանձնաժողովը Թեկնածուի բարեվարքության վերաբերյալ եզրակացությունը վերջնական քննարկման առարկա է դարձնում առանց դրանց:»:

5) Բաժին 3-ի «Թեկնածուի բարեվարքությունը գույքային դրության համատեքստում» վերտառությամբ Գլուխ 2-ի 7-րդ կետը՝ «ինչպես նաև տարեկան ընթացիկ ծախսը» բառերից հետո լրացնել «(հայտարարատուի և իր ընտանիքի անդամների կողմից հաշվետու ժամանակահատվածում հայտարարագրման ենթակա գույքի ձեռքբերումներից և հայտարարագրման ենթակա ծախսերից տարբերվող ծախսերի (վճարումների) հաշվարկային մեծությունը):» բառերով:

6) Բաժին 4-ը լրացնել հետևյալ բովանդակությամբ նոր 9-րդ, 10-րդ և 11-րդ կետերով.

«9. Թեկնածուի բարեվարքության վերաբերյալ խորհրդատվական եզրակացությունը հրապարակման ենթակա չէ և չի տրամադրվում այլ անձանց՝ բացառությամբ օրենքով նախատեսված դեպքերում բարեվարքության վերաբերյալ եզրակացությունների եզրափակիչ մասի: Թեկնածուի բարեվարքության վերաբերյալ խորհրդատվական եզրակացության եզրափակիչ մասը ենթակա է հրապարակման օրենքով սահմանված դեպքերում՝ համապատասխան մարմինների կողմից:

10. Բարեվարքության վերաբերյալ ընթացիկ ուսումնասիրության արդյունքում տրամադրված խորհրդատվական եզրակացությունները ենթակա չեն հրապարակման:

11. Հանձնաժողովը Թեկնածուի բարեվարքության վերաբերյալ խորհրդատվական եզրակացությունը միաժամանակ ներկայացնում է Թեկնածուին և նրան նշանակելու կամ ընտրելու իրավասություն ունեցող մարմին: Թեկնածուն կարող է նշանակող կամ ընտրող մարմնին և Հանձնաժողովին ներկայացնել նաև բարեվարքության վերաբերյալ խորհրդատվական եզրակացության վերաբերյալ իր առարկությունները:»:

2. Սույն որոշումն ուժի մեջ է մտնում հրապարակմանը հաջորդող օրվանից:

3. Սույն որոշման 1-ին կետի 4-րդ ենթակետի բ) պարբերությունով և 6-րդ կետով սահմանված դրույթները տարածվում են 2026 թվականի ապրիլի 6-ից հետո Կոռուպցիայի կանխարգելման հանձնաժողով ներկայացված բարեվարքության վերաբերյալ

հարցաթերթիկների հիման վրա իրականացվող բարեվարքության վերաբերյալ
ուսումնասիրությունների վրա:

ՀԱՆՁՆԱԺՈՂՈՎԻ ՆԱԽԱԳԱՀԻ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ՝

ՄԱՐԻԱՄ ԳԱԼՍՅԱՆ

ք. Երևան